



Grad Goražde proteklih godina održava čvrste bratske i prijateljske odnose sa Općinom Gaziemir iz Izmira, koja je među prvim bratskim općinama našeg grada. Ono što posebno treba izdvojiti jeste odlazak mladih Goražda u Gaziemri, gdje u sklopu sada već tradicionalne posjete ovoj bratskoj Općini u sklopu nastupa na Međunarodnom Festivalu djeteta u Izmiru (Gaziemir – Turska) dožive jedinstvene trenutke povezivanja u bratstvu i prijateljstvu, upoznaju fantastične turističke, historijske i kulturne sadržaje širom Izmira, i stvaraju neraskidive veze sa bratskim narodom Turske.

Tako je jučer tokom posjete delegacije Grada Goražde Gaziemiru gradonačelnik dr.sci. Muhamed Ramović sa članovima delegacije održao zvanični sastanak sa novoizabranima načelnikom Općine Gaziemir Sayın Halil Arda na kojem je razgovarano o realizovanim projektima sa ovom bratskom Općinom, kao i o novim koji trebaju da se realizuju u narednom periodu, te nastavku dobre saradnje ova dva bratska grada.

Gradonačelnik dr.sci. Muhamed Ramović prilikom telefonskog javljanja za Radio Goražde je izjavio – "Prije svega, sve roditelje želim obavijestiti da su djeca dobro i da su zdravi, da nemamo niti jednog problema. Sve je proteklo u najboljem redu što se tiče putovanja u Tursku, naša djeca i delegacija Grada Goražda stigli su u petak u popodnevnom satima. U petak su porodice primile djecu i zaista jedno veliko hvala na gostoprimstvu. Ovdje BiH i Grad Goražde imaju posebno svoje mjesto u srcima svih stanovnika Gaziemira i ovdje su mnogi porijeklom Bošnjaci tako da i oni su dali svoje učešće u Festivalu.



Aktivnosti su krenule u subotu, djeca imaju svoj program, mi smo kao delegacija imali svoj program aktivnosti. Imali smo prijem kod novog Načelnika Gaziemira kojem smo čestitali na pobjedi i izrazili želju da u narednih 5 godina imamo dobru saradnju kao i do sada. Aktivnosti su nastavljene u nedelju, gdje je zvanično Načelnik primio sve delegacije, predstavnike svih država koje učestvuju zajedno sa ranijim načelnicima.

Danas obilazimo jednu općinu Česme i grad Izmir, a već sutra imamo posebne aktivnosti vezano za zvanično otvaranje ovog Internacionalnog Festivala djeteta. Pored 28 djece iz naša dva KUD-a, delegaciju čini 6 vijećnika, 4 uposlenika Gradske uprave i 2 predstavnika resornog ministarstva obrazovanja, te doktor i koreografi. Planirana je i posjeta Guverneru Izmira, konzulu i počasnom građaninu BiH Kemalu Bajzaku koji nas svake godine primi i dočeka. Ono što sam predložio načelniku Sayın Halil Arda je da pokrenemo inicijativu da i oni urade jedan park u Goraždu za što je izrazio zainteresovanost. Sretni smo da ćemo sutra biti dio ceremonije otvaranja Festivala, koji je jedan od najvećih u svijetu. Velika je stvar predstavljati BiH i svoj Grad. Povratak je planiran za četvrtak u jutarnjim satima, a u petak popodne smo u Goraždu aBd."



{AG}gaziemir119{/AG}